

## **Konsehero/entrenadó ROA CN**

*Bo ke sòru pa kalidat di profeshonalnan di futuro? Bo tin bon bista di profeshonnan na Boneiru i hinter Karibe Hulandes? Bo ta haña agradabel pa entrená instruktornan pa guia di studiante?*

*Awèl sigui lesa, pasobra nos ta buska un kolega nobo!*

### **Bo funshon**

Komo konsehero/entrenadó bo tin kontakto ku otro kompania tur dia. (Futuro) kompanianan di instrukshon ta repartí den sektor: por ehèmpel, Konstrukshon i Téknika, Kuido i Bienestar, Horeca i Turismo. E kompanianan aki ta guia studiante di Mbo i empleadonan òf ta pensa di hasi esaki. Bo ta hiba kòmbersashon ku nan pa evaluá si nan por ofresé e studiantenan ambiente di trabou bon i sigur. Si unabes bo a rekonosé un kompania, bo tin kontakto regularmente ku nan.

Tambe bo ta duna treinen na e tres idiomaan di e islanan, papiamentu, hulandes i ingles pa sertifiká e instruktornan òf pa prolongashon di nan sertifikashon. Pa trese demanda i oferta di stazje i trayektonan di traha i siña bon huntú, bo tin kontakto ku instansianan edukashonal i otro partnernan den kadena. Ademas bo tin un ròl pa trese skol i kompanianan huntú. Forma i mantené un ret di kontakto no ta niun problema pa bo.

Bo ta bishitá kompanianan i skol i bo ta sòru pa tur informashon ta dokumentá den nos sistema di CRM. Komo konsehero/entrenadó bo ta traha for di kantor i e echo ku bo ta bishitá kompanianan i skol, bo ta hopi riba kaya. Den un palabra: un funshon dinámiko!

### **Loke ta hasi e funshon asina fasinante**

- Bo ta hasi impakto! Bo ta bin traha den un organisashon komprometé. Pa medio di bo aporte hopi studiante di Mbo por haña un lugá di stazje bon i di kalidat haltu di e manera ei risibí nan diploma.
- Komo konsehero/entrenadó diariamente bo ta den kontakto ku un skala amplio di kompania i organisashon. Un funshon variá i dinámiko unda niun dia no ta meskos!

### **Kaminda bo ta bai traha**

Bo ta bin traha den un tim entusiasamá ku profeshonalnan positivo i motivá. Ta traha den estrecho koperashon pero nos ta konfia tambe riba bo profeshonalismo i ekspertisia. Nos ta un tim chikí ku ta logra resultadonan huntu. Nos ta okupá ku profeshonalisashon pa bira e Ofisina di Ekspertisia pa Hulanda Karibense, pa konekshon entre enseñansa profeshonal i merkado laboral.

*Bo ke haña un bista di ROA CN, subi nos wèpsait.*

### **Loke bo ta trese**

Bo por hinka bo mes den sapatu di personanan na e kompanianan ku bo ta den kontakto kuné. Bo konosé merkado laboral di Boneiru bon. Bo ta un partner di kòmbersashon agradabel, ku otro hende ta gusta risibí konseho serka dje, pero bo no ta evitá temanan di kòmbersashon difísil. Bo ta curioso pa siña i bo ke profundisá bo mes den estudionan di Mbo. Kalidat ta hopi importante pa bo.

Ademas nos ke mira lo siguiente serka bo:

- Bo por demostrá manera di traha i pensa riba nivel di hbo;
- Bon abilidadat ekspresivo verbal i por eskrito;
- Konosementu di Microsoft Office i bo ta disponé di abilidadatnan digital general;
- Ta disponé di reibeweis i transporte propio;
- Bo ta biba na Boneiru òf tin plan di establecé aki;
- Preferibel ku konosementu di estudionan i Mbo.

Kompetensianan

- Ku atenshon pa kliente
- Komunikativamente abil verbal i por eskrito
- Presiso
- Proaktivo

## Loke nos ta ofresé

ROA CN ta ofresé ambiente laboral inspirativo, unda empleado i gerensia ta traha huntú.

Ademas nos ta ofresé:

- Dependiente di bo konosementu i eksperensia ta klasifiká bo den skal inisial, skal 9 òf skal funshonal, skal 10.
- Un siman di trabou pa tempu kompletu ta 36 ora pa siman, di kua bo tin 23 dia di fakansi.
- Kompensashon di fin di aña di 8,33% i sèn di vakashon.
- Partisipashon na areglo di penshun na PCN ta obligatorio.
- Un telefòn i lèptòp di trabou.
- Nombramentu pa durashon di un aña, ku bista riba kontrato pa tempu indefiní si tin bon funshonamentu.

## Prosedura

Bo tin interes den e funshon aki i bo ta disponé di konosementu i abilidadan solisitá?

Reakshoná e ora ei te ku djaweps **30 di novèmber 2023**. Manda bo motivashon kòrtiku i direkto huntú ku bo kuríkulo pa Judette Frederiks [j.frederiks@roacn.com](mailto:j.frederiks@roacn.com)

E prosedura di selekshon ta konsistí di dos ronda. E promé kòmbersashonnan ta tuma lugá djabièrnè **8 di dezèmber** na kantor di ROA CN òf 'online'. E di dos kòmbersashonnan ta tuma lugá djabièrnè **14 di dezèmber 2023**.